

**2002010031**  
7000; 9310

Seyðisfjörður  
Ólafur Sigurðsson, bæjarstjóri  
Hafnargötu 44  
710 Seyðisfjörður

Reykjavík, 12. apríl 2002  
/--

**Efni: Snjóflóðavarnir á Seyðisfirði, Bjólfssvæði. Ákvörðun um tillögu að matsáætlun.**

Í samræmi við 8. gr. laga um mat á umhverfisáhrifum er hér kynnt niðurstaða Skipulagsstofnunar um tillögu Seyðisfjarðarkaupstaðar að matsáætlun um snjóflóðavarnir á Seyðisfirði, Bjólfssvæði.

Skipulagsstofnun barst með bréfi Hönnunar dags. 5. mars 2002 tillaga Seyðisfjarðarkaupstaðar að matsáætlun:

Seyðisfjarðarkaupstaður. Snjóflóðavarnir á Seyðisfirði, Bjólfssvæði. Mat á umhverfisáhrifum. Tillaga að matsáætlun. Hönnun. 4. mars 2002.

Skipulagsstofnun leitaði umsagnar um tillögu framkvæmdaraðila hjá eftirtöldum aðilum í samræmi við 8. gr. laga um mat á umhverfisáhrifum: Seyðisfjarðarkaupstað, Byggðastofnun, Fornleifavernd ríkisins, Heilbrigðiseftirliti Austurlands, Náttúruvernd ríkisins og Veðurstofu Íslands. Skipulagsstofnun kynnti tillöguna einnig með fréttatilkynningu og á heimasíðu stofnunarinnar.

Skipulagsstofnun bárust umsagnir frá eftirtöldum aðilum: Seyðisfjarðarkaupstað með bréfi dags. 14. mars 2002, Byggðastofnun með bréfi dags. 5. apríl 2002, Fornleifavernd ríkisins með bréfi dags. 21. mars 2002, Heilbrigðiseftirliti Austurlands með bréfi dags. 25. mars 2002, Náttúruvernd ríkisins með bréfi dags. 2. apríl 2002 og Veðurstofu Íslands með bréfi dags. 5. apríl 2002. Skipulagsstofnun bárust svör frá framkvæmdaraðila við umsögnum með bréfi dags. 4. apríl 2002.

**NIÐURSTAÐA SKIPULAGSSTOFNUNAR**

Í samræmi við 8. gr. laga um mat á umhverfisáhrifum hefur Skipulagsstofnun farið yfir framlagða tillögu framkvæmdaraðila að matsáætlun ásamt umsögnum sem borist hafa stofnuninni. Skipulagsstofnun fellst á tillögu framkvæmdaraðila að matsáætlun með þeim viðbótum sem koma fram í svörum framkvæmdaraðila dags. 4. apríl 2002 og þeim athugasemdum sem gerð er grein fyrir hér að neðan:

### **Forsendur varnarvirkja og snjóflóðahættumat**

Í tillögu að matsáætlun, kafla 1.5.2, kemur fram að ekki liggi fyrir endanlegt útlit snjóflóðavarna þar sem hönnunarvinna sé skammt komin en sú vinna muni byggja á niðurstöðum snjóflóðahættumats. Skipulagsstofnun telur að í matsskýrslu þurfi að fjalla skýrt um þær forsendur í snjóflóðahættumati sem liggja til grundvallar hönnun, umfangi og staðsetningu varnarvirkjana.

### **Samfélagsleg áhrif**

Í tillögu að matsáætlun, kafla 1.1, kemur fram að fyrirhuguð varnarvirki muni ekki breyta snjóflóðahættumati í grundvallaratriðum fyrir byggðina á Seyðisfirði og í kafla 3.3 kemur fram að framkvæmdin muni hafa áhrif á öryggi íbúa gagnvart snjóflóðum. Í ljósi þessa telur Skipulagsstofnun að koma þurfi skýrt fram í matsskýrslu að hvaða leyti framkvæmdaraðili telji að fyrirhuguð framkvæmd muni hafa áhrif á öryggi íbúa gagnvart snjóflóðum. Fjalla þarf um núverandi rýmingaráætlun og nánar um tíðni rýminga undanfarin ár og hvort að sú rýmingaráætlun sem nú sé í gildi muni taka breytingum með tilkomu fyrirhugaðra varnarvirkja. Í því sambandi bendir Skipulagsstofnun á að í tillögu að matsáætlun, köflum 1.1 og 1.5, kemur fram að fyrirhuguð varnarvirki muni ekki veita ásættanlegt öryggi ein sér heldur séu hluti af áætlun til að verja byggðina á Seyðisfirði gegn snjóflóðum.

### **Grunn- og yfirborðsvatn**

Í tillögu að matsáætlun, kafla 3.3, er fjallað um grunn- og yfirborðsvatn. Skipulagsstofnun telur að í umfjöllun um áhrif fyrirhugaðra framkvæmda á vatnsbúskap í matsskýrslu þurfi að sýna staðsetningu drenskurða á uppdrætti á og við framkvæmdasvæðið, gerist þeirra þörf vegna leysingarvatns.

### **Uppgræðsla**

Í tillögu að matsáætlun, kafla, 1.5.7, er fjallað um frágang í verklok og í kafla 1.6.4 er fjallað um gróðurfar. Skipulagsstofnun telur að í matsskýrslu þurfi að gera grein fyrir uppgræðslutilraunum sem hluta af frágangsvinnu og með hvaða hætti staðið verði að slíkum tilraunum.

### **Fuglalíf**

Í tillögu að matsáætlun, kafla 1.6.4, er fjallað um fuglalíf. Skipulagsstofnun telur að í matsskýrslu þurfi að fjalla um líkleg áhrif á fuglalíf á framkvæmdarsvæðinu eins og fram kemur í svörum framkvæmdaraðila við umsögn Náttúruverndar ríkisins.

**Skipulag**

Í matsskýrslu þarf að gera grein fyrir málsmeðferð skv. skipulags- og byggingarlögum nr. 73/1997 m.s.br. þar sem ekkert skipulag er í gildi á svæðinu.

Hólmfríður Sigurðardóttir

Jakob Gunnarsson

Afrit: Byggðastofnun, Fornleifavernd ríkisins, Heilbrigðiseftirlit Austurlands, Náttúruvernd ríkisins, Veðurstofa Íslands, Guðmundur Pálsson, Framkvæmdasýslu ríkisins, Ari Benediktsson, verkfræðistofan Hönnun.